

UTUSAN MALAYSIA

DATE: 25/02/2008

Barisan Nasional tetap menang – Dr. Mahathir

ALOR STAR 24 Feb. – Bekas Perdana Menteri, Tun Dr. Mahathir Mohamad berkata, Barisan Nasional (BN) akan tetap meraih kemenangan walaupun berlaku perubahan calon pada saat-saat akhir sebelum hari penamaan calon.

Menurutnya, perubahan saat-saat akhir itu, mungkin boleh memberi sedikit kesan di kawasan tertentu pada Pilihan Raya Umum Ke-12 tetapi keadaan akan kembali seperti biasa apabila kempen berjalan.

“Mungkin ada sebab (perubahan sa-

at-saat akhir). Ada kesan sedikit (kepada BN), apabila kempen berjalan BN akan dapat sekali lagi (menang),” kata beliau ketika diminta mengulas mengenai perubahan saat-saat akhir dalam senarai calon BN termasuk di Kedah.

Dr. Mahathir berkata demikian kepada pemberita di Pusat Penamaan Calon Pilihan Raya Umum Ke-12 Parlimen Jerlun di Sekolah Menengah Kebangsaan Ayer Hitam, di sini hari ini bagi memberi sokongan kepada anaknya, Mukhriz yang ber-

tanding di Parlimen berkenaan.

Ditanya tentang peluang BN di Kedah pada kali ini, beliau berkata, keadaan beza berbanding pilihan raya umum 2004 tetapi BN tetap akan menang.

“Mungkin susah (dapat kemenangan seperti pilihan raya 2004), memang ada faktor lain yang mempengaruhi pengundi,” kata beliau.

Ketika ditanya apakah beliau akan berkempen untuk Mukhriz, Dr. Mahathir berkata: “Ini saya datang pun dah kira ber-

kempenlah.”

Menurutnya, jika pilihan raya 2004, beliau berkempen ke seluruh negara kecuali Terengganu tetapi kali ini hanya tertumpu di Jerlun.

Mengenai peluang Mukhriz, Mahathir berkata, peluang memang ada tetapi tidak boleh diberi jaminan.

“Setiap kali pilihan raya saya takut. Saya biasa kalah tentu takut. Terpulanglah kepada rakyat (buat pilihan),” kata beliau sambil berseloroh.

UM - 25/2/2008